

四庫全書

集部

欽定四庫全書

集部
張燕公集卷一至三

詳校官侍郎

臣謝墉

檢討臣何思鈞覆勘

總校官編修

臣王燕緒

校對官主事

臣陳墉

謄錄監生

臣謝雲

欽定四庫全書

集部二

張燕公集

別集類一 唐

提要

臣等謹案張燕公集二十五卷唐張說撰說字道濟一字說之洛陽人官至左丞相封燕國公事蹟具唐書本傳其文章典麗宏贍當時與蘇頲並稱朝廷大述作多出其手號曰燕許唐書藝文志載其集三十卷今所傳本

止二十五卷然自宋以後諸家著錄並同則其五卷之佚久矣集中元處士碣銘稱序爲處士子將作少監行冲撰而唐書行冲傳乃不載其爲此官爲留守奏慶山醴泉表稱萬年縣令鄭固忠狀六月十四日縣界霸陵鄉有慶山見醴泉出而唐書武后傳載此事乃作新豐縣皆與史傳頗有異同然說在當時必無訛誤知唐書之疏舛多矣此書所以貴

舊本也是書至嘉靖間其子孫始為梓行而訛舛特甚又參考本傳及文粹文苑英華諸書其文不載於集者尚多今旁加搜輯於集外得頌一首箴一首表十八首疏二首狀六首策三首批答一首序十一首啟一首書二首露布一首碑四首墓誌九首行狀一首凡六十餘首皆依類補入而原集目次錯互者亦詮次更定仍釐為二十五卷庶幾復成完本

馬乾隆四十六年十二月恭校上

總纂官臣紀昀臣陸錫熊臣孫士毅

總校官臣陸費墀

欽定四庫全書

張燕公集卷一

唐張說撰

賦詩

附

喜雨賦

明皇御製

仰重華之齊政步文命而彝倫何天道之云遠亦明徵
而在人迄中夏而自春邁愆陽而為亢雲重結而復解
雨繞滴而還障山祠植珪而不答田畯倚耒而怡音悵

京兆來奏音官撰曲將土龍而矯首請神巫而頓足彼
有憑而可舉予何抑而未許恐歲凶之及人寧天譴於
我身爾乃潔齋壇墀五精是祠暴立炎赫三日為期上
帝臨我忠誠不欺重泉蒸潤觸石吐滋平雲黯而鋪幕
密雨森其散絲無雷無電不震不眩匪疾匪徐乍合乍
疎汎草泊樹垂珠滴露過闕入樓含烟雜霧或噴薄而
攢集或淋漓而灌注亂積水之圓文拂微風之斜度窠
海決而康樂畎畝欣而相顧絲管合兮夜將曉芙蓉開

今日未暮原夫雨之為德也無小大之異情無高卑之
不平無華朽之偏潤無薰臭之隔榮喜夫雨之今應也
赴一言而不捨經累晨而廣瀉納清陰之浮涼混和氣
而飄灑感作霖於殷命諷其滂於周雅家尚知乎禮節
國有望於豐霸小陽臺之神人却大宛之走馬體雲行
而雨施吾何事乎天下

喜雨賦應制

叟臣啓先王之冊府校絕瑞於祥經樂雲雨之平施齊

品物之流形帝皇益重而為寶麟鳳自輕而讓靈況愆
時而渴望欲意達而神聽是月也朱明漸半紫油未吐
恐降災兮此下人罄虔祈兮我仁主退象龍之禮禱斥
持鷺之貌舞屏翳慙其廢職祝融悔其遷怒天決漭而
出雲地霧電而下雨速一言而感應尅三日而周溥氣
翁霽以隸烏黠音淡聲馳灑以蕭條璫如銀漢之屑落瓌
似珠泉之噴洗街鄺漫其潢潦卑壤萎其綠苗舒四溟
之清潤卷六合之煩囂咸澡骨於神液共歡心於聖朝

借如五月有梅雨之名三春有穀雨之氣越人出泥牛
待沃胡士以賣龍求費出員嶠以石香入成都之酒味
彼偏方與小節非大人之所貴復有送山祇於鬱島迎
海若於葛川疾雷碎其山裂走電燧其海燃天子作愁
霖之賦詞人綴苦雨之篇墻屋壞於倒井黍稷流於下
田乃凶浸之不令曷休徵之有焉請言瑞雨之可喜也
協氣交泰嘉生是賴湛覃而不溺衍溢而不害東漸出
日之表西被無雷之外南窮火鼠之譯北盡燭龍之會

卷一
天文則雲漢昭回王澤則江河滂沛雖欲覃天而窺管孰知堯德之為大

進白鳥賦

并批
答

咨大鈞之播氣在品物而流形有莫黑之凡族亦變白而效靈感上仁於孝道合中瑞於祥經若夫事出神妙理包舒卷既集王屋飛隨帝輦捧日高翥迎風細轉識句句於招呼每啞啞於咏吮以其雪羽霜毛冰精玉狀拔竒綠林之下賞異紫臺之上瞰鳩鵲之紗牕抱鳳凰

之衣桁恐同類之見嫉畏不才之速謗願悉命於渥恩
豈顧私於閒放維聖君之靈囿物何遠而不臻有能言
而可重或善舞而取珍羞陋軀而入獻與寶羽而為隣
探朝噪之聲樂眷夜啼之曲新無芒距以耀武不鉤觜
以懷仁謝先容而特達却假飾以全真鑒深心於反哺
移報德於君親

墨詔批答

得所進白鳥符彩明媚助日揚輝白羽翩翻凌霜比色

況乎反哺斯重能仁是高對之有懽情不能已又覽所
進放言體物詞藻瀏亮尋繹研味把翫無厭所謂文苑
菁華詞場警策也今賞卿金五挺銀十挺

虛室賦

明月窓前古樹簷邊無北堂之樽酒絕南隣之管絃理
涉虛趣心階靜緣室惟生白文則思玄厭百慮之勞止
歸一途之兀然嗟乎巧智首亂禮樂增矯名起異端利
成貪兆役二見之交戰驅五神而雜擾形何費而不衰

性何煩而不夭每竭源而追末必亡多而獲少玉帳瓊
宮圖侈務豐朱門金穴恃滿矜隆榮與辱而俱盛事隨
憂而不窮陷營為之桎梏留健美之樊籠心元是幻法
本皆空莫不因無證實假異生同魚何知而樂水蛇何
意而憐風大哉默識守此玄通顧瞻天下還如夢中

附
宴居賦并序

魏仁歸

張校書作虛室賦以示予文旨清峻玄義深遠予味之
有感聊為宴居賦以和之其詞曰

氣序忽諸日月其除夏盡炎歇秋至涼初地僻而人物
自少庭閒乃室宇成虛寂爾無晤蕭然宴居覽聖賢於
上古窺得失於前書或智而不足或愚而有餘諒千變
而萬化嗟難得而備疏若夫名因行立宦由才致官要
則謗議斯起譽高必讒毀俱至所以君子逃名達人避
位養性以安其體摛文以見其志且貴不如賤善亦同
惡貴則但益憂勞善乃未離貪著徒憐顛覆之禍虛纏
愛慾之縛前事既忘後車安託儻來未足有慰或去可

以無作固當絕去可否齊其適莫聞寵詎警其心居陋
寧改其樂蓋老氏稱德所貴先慈孔門之道一以貫之
於常則允出茲在茲屈伸委運行用隨時既無去無取
亦何慮何思

江山愁心賦寄趙子岳州作

江上之峻山兮鬱崎嶇音議而不極雲為峯兮煙為色歟

變態兮心不識江上之深林兮杳冥蒙而不已鳥為花
兮猿為子紛盪漾兮言莫擬夏雲陰兮若山秋水平兮

若天冬沙飛兮淅淅春草靡兮芊芊感四節之默運知
造化之潛遷伴衆鳥兮寒渚望孤帆兮日邊雖欲貫愁
腸於巧筆紡離夢於哀絃是心也非模放之所逮將有
言兮是然將無言兮是然

畏途賦

青泥路白馬闕雲足躡霞手攀忠臣往兮孝子還涉羊
腸臨鳥道搏絕岸援蔓草懸梁姍姍以樹接虛閣穹崇
而煙抱風雨櫛汨兮崩泉而險湍圖畫詭屈兮紅峯而

碧巒林黝黝而人靜山參參而地寒客有夢今在城闕
背芳萱兮心不歇憫秋草之墜露弔窮崖之飛月聞哀
猿之一鳴憂人宿昔兮生白髮

長安應制詩五首

侍宴三思山第

得風
字

梁王池館好曉日鳳樓通竹町音提羅千衛蘭筵降兩宮

清歌芳樹下妙舞落花中臣學筵中聽還如大國風

侍宴襄荷亭

廻鑾青岳觀，帳殿紫煙峯。
仙路迎三島，雲衢駐六龍。
園林看花塔，壇墠識餘封。
山外聞簫管，還如天上逢。

侍宴臨渭亭

青郊上巳豔，陽年紫禁皇。
遊被渭川幸，得歡娛承湛露。
心同草樹樂春天。

侍宴滌水

得濃字

千行發御柳，一葉下仙筇。
青浦宸遊至，朱城佳氣濃。
雲霞交暮色，草樹喜春容。
藹藹天旗轉，清笳入九重。

桃花園馬上

林間艷色驕天馬
苑裏穠粧伴麗人
願逐南風飛帝席
年年含笑舞青春

景龍應制 睿宗侍宴隆慶池

靈池月滿直城隈
黻帳天臨御路開
東沼初陽疑吐出
南山曉翠若浮來
魚龍百戲分容與
鳬鷁雙舟較汭洄
願似金堤青草馥
長承瑤水白雲盃

奉和春日幸望春宮

別館芳菲上苑東
飛花澹蕩御筵紅
城臨渭水天河靜
闕對南山雨露通
繞殿流鶯凡幾樹
當蹊亂蝶許多叢
春園既醉心和樂
共識皇恩造化同

奉和登驪山矚眺

寒山上半空
川眺盡園中
是日巡遊處
晴光遠近同
波明分渭水
樹暗辨新豐
崑壑清音暮
天歌起大風

奉和聖製幸白鹿觀應制

洞府寒山曲
天遊日旰迴
披雲看石鏡
拂雪上金臺
竹

徑龍驂下松庭鶴轡來雙童還獻樂五色耀仙材

扈從幸韋嗣立山莊應制 二首

寒灰飛玉琯湯井駐金輿既得方明相還尋大隗居懸
泉珠貫下列帳錦屏舒騎遠林逾密笳繁谷自虛門旗
槩複磴殿幕裏通渠舞鳳隨公主雕龍起婕妤地幽天
賞洽酒樂御筵初非才叨侍從連藻愧應徐

西京上相出扶陽東郊別業好池塘自非仁智符天賞
安能日月共迴光

奉和送金城公主應制

青海和親日
潢星出降時
戎王子壻寵
漢國舅家慈
春野開離讌
雲天起別詞
空彈馬上曲
詎減鳳樓悲

先天應制奉和同皇太子過慈恩寺二首

翼翼宸恩永
煌煌福地開
離光昇寶殿
震氣繞香臺
上界旂花合
中天日月來
願君無量壽
仙藻屢徘徊
朗朗神居峻
軒軒瑞像威
聖君成願果
太子拂天衣
至樂三靈會
深仁四皓歸
還聞渦水曲
更繞白雲飛

先天應令

三陽麗景早芳辰
四序嘉園物候新
梅花百般忘障路
垂柳千條暗迴津
鳥驚真為飛風葉
魚躍都由怯岸人
唯願聖主南山壽
何愁不賞萬年春

奉和春日出苑

禁林艷裔發青陽
春望逍遙出畫堂
雨洗亭臯千畝綠
風吹梅李一園香
鶴飛不去隨青管
魚躍翻來入綵航
睿賞歡承天保定
邁文更覩日重光

墨令答讚四言

入相論道資孝為忠朗如明鏡穆若清風既調飢鶴又
擅雕龍有則有典是為文雄

張燕公集卷一

欽定四庫全書

張燕公集卷二

唐 張說 撰

雜詩

附

喜雪

明皇御製

日觀卜先征
將巡順物情
風行未備禮
雲密遽飄靈
委樹寒花發
縈空落絮輕
朝如玉已會
庭似月猶明
既覩膚先合
還欣尺有盈
登封何以報
因此謝功成

奉和喜雪應制

聖德與天同封巒欲報功詔書期日下靈感應時通觸
石雲呈瑞含花雪告豐積如沙照月散似麴從風舞集
仙臺上歌流帝樂中遙知百神喜灑路待行宮

同劉晃喜雨

節變寒初盡時和氣已春繁雲先合寸膏雨自依旬颯
颯飛平野霏霏靜暗塵懸知花葉意朝夕望中新

應制和同劉晃喜雨

青氣和春雨知從岱嶽來行雲避師出洒雨待車迴厭
泥塵清道空濛柳映臺最宜三五夜晴月九重開

附
遊興慶宮作并序

明皇御製

暇日與兄弟同遊興慶宮登勤政務本及華萼相輝之
樓所以觀風俗而勸人崇友于而敦睦詩以言志歌以
永言情發於衷率題此什

代邸青門石離宮紫陌垂庭如過沛日水若渡江時綺
觀連雞岫朱樓接雁池從來敦棣萼今此茂荆枝萬葉

傳餘慶千年志不移
凭軒聊屬目輕輦共追隨
務本方崇訓相輝
保羽儀時康俗易漸德薄政難施
鼓吹迎飛蓋絃歌送羽卮
所希覃率土孝弟一同規

奉和暇日遊興慶宮作應制

漢武橫汾日周王宴鎬年
何如造區夏復此睦親賢
巢鳳新成閣飛龍舊躍泉
棣華歌尚在桐葉戲仍傳
禁籞氛埃隔平臺景物連
聖慈良有裕王道固無偏
問俗兆人阜觀風五教宣
獻圖開益地張樂奏鈞天
侍酌衢樽

滿詢芻諫鼓懸詠言形友愛萬國共周旋

附觀拔河俗傳此戲必致年豐故命北軍以求歲

稔

明皇御製

壯徒恒賈勇拔拒抵長河欲練英雄志須明勝負多課
齊山岌業氣作水騰波預期年歲稔先此樂時和

奉和觀拔河應制

今歲好拖鈎橫街敞御樓長繩繫日住貫索挽河流鬪
力頻催鼓爭都更上籌春來百種戲天意在宜秋

奉和寒食作應制

寒食春過半
花濃鳥復嬌
從來禁火日
會接清明朝
關敵難殊勝
爭毬馬絕調
晴空數雲點
香樹百風搖
改木迎新燧
封田表舊燒
皇情愛嘉節
傳曲與簫韶

附

過大哥宅探得歌字韻

明皇御製

魯衛情先重
親賢愛轉多
冕旒豐暇日
乘景暫經過
戚里申高宴
平臺奏雅歌
復尋為善樂
方驗保山河

奉和過寧王宅應制

進酒忘憂觀簫韶喜降臨帝堯敦族禮王季友兄心竹
苑龍鳴笛梧宮鳳繞林大風將小雅一字盡千金

附

同王真公主過大哥山池

明皇御製

澄渾皎鏡石崖嵬萬壑千巖暗綠苔林亭自有幽真趣
沉復秋深爽氣來

地有招賢處人傳樂善名鶩池臨九達龍岫對重城桂
月先秋冷蘋風向晚清鳳樓遙可見髣髴玉簫聲

石橋銘

梁園勝蹟館佳遊苔深山暗山斜路幽橋非七夕節
是三秋爰停弄杼共此淹留

奉和同王真公主遊大哥山池題石壁

二首

池如明鏡月華開山學香爐雲氣來神藻飛為鵲鴿賦
仙聲颺出鳳凰臺

綠竹初成苑丹砂欲化金乘龍與驂鳳歌吹滿山林爽
氣凝情迴寒光映浦深忘憂題此觀為樂賞同心

石橋銘

玉梁架迴碧沼涵空石邊海上鑠鍛河中橫漢飛鵲規
天拖虹仙聖來往風雲路通

附
賜諸州刺史以題座右

明皇御製

眷言思共理鑑寢想惟良猗歟此推擇聲緒著周行賢
能既俟進黎獻實佇康視人當如子愛人亦如傷講學
試誦論阡陌勤耕桑虛譽不可飾清知不可忘求名迹
易見安真德自彰獄訟必以情教民貴有常恤惇且存
老撫弱復綏強勗哉各祇命知予眷萬方

奉和聖製賜諸州刺史應制

文明遍禹蹟
鰥寡達堯心
正在親人守
能令王澤深
朝廷多秀士
鎔鍊比精金
犀節全分命
熊軒各外臨
聖主賦新詩
穆若聽薰琴
先言教為本
次言則是欽
三時農不奪
午夜犬無侵
願使天宇內
品物遂浮沉
寄情羣飛鶴
千里一揚音
共躡華胥夢
龔黃安足尋

附 賜崔日知往潞州

明皇御製

潞國開新府
壺關寵舊臨
妙旌循吏德
特悅庶民心
禮

樂中朝貴仁明列郡欽揚風非贈扇易俗是張琴蕃鎮
謳謠洽行宮雨露深會書丞相策先賜潁川金

奉和賜崔日知應制

聖情留曩鎮佳氣翊興王增戟雄都府高車轉太常川
橫八練濶山帶五龍長連帥初恩命天人舊紀綱餞塗
飛御藻闔境自生光明主徵循吏何年下鳳凰

附

餞王峻巡邊

明皇御製

振武威荒服揚文肅遠墟金壇申將禮玉節授軍符冠

胄三方外銜刀萬里餘昔時吳會盡今日虜廷虛分閫
仍推轂援將且訓車風揚旌旆遠雨洗甲兵初坐見台
堦謚行聞被禔除檄來雖插羽箭去亦飛書舟楫功斯
著鹽梅望匪疎不應陳七德欲使化先敷

奉和送王睪巡邊應制

六月歌周雅三邊諗夏卿欲施攻戰法先作簡稽行禮
樂知謀帥春秋識用兵一勞堪定國萬里即長城策有
和戎利威傳破虜名軍前雨灑道樓上月臨營別藻瑤

華降同衣錦褰榮關山由義近戈甲為恩輕絲竹路旁
散風雲馬上生朝廷謂吉甫邦國望君平

奉和聖製送宇文融安輯戶口應制

至德臨天下勞情遍九圍念茲人去本蓬轉將何依外
避征戍數內傷親黨稀嗟不逢明盛胡能照隱微柏臺
簡行李蘭殿賜朝衣別曲動秋風恩令生春輝使出四
海安詔下萬心歸忤無夔龍佐徒歌鴻雁飛

附

春中興慶宮酺宴

明皇御製

夫抱器懷才含仁蘊德可以坐而論道者我於是乎闢
重門以納之作捍四方折衝萬里可以運籌帷幄者我
於是乎懸重祿以待之是故外無金革之虞朝有縉紳
之盛所以巖廊多暇垂拱無為不言而海外知歸不教
而寰中自肅元亨之道其在茲乎況乎天地交而萬物
通陰陽和而四時序所寶者粟所貴者賢故以宵旰為
憂黎民在念盡力溝洫不知宮室之已卑致敬鬼神不
知飲食之斯薄往以仲冬建子南至初陽爰詔司存式

陳郊祀挹夷夏之誠請答神人之厚睠煙歸太一禮備
上玄足以伸昭報之情足以極嚴禋之道然心融萬類歸
雷雨之光春慶洽百寮象雲天而高宴歲二月地三秦
水汎汎而龍池滿日遲遲而鳳樓曙青門左右軒庭映
梅柳之春紫陌東西帝幕動煙霞之色撞鐘伐鼓雲起
雲飛歌一聲而酒一盃舞一曲而人一醉詩以言志思
吟湛露之篇樂以忘憂慙運臨汾之筆

九達長安道三陽別館春還將聽朝暇迴作豫遊辰不

戰要荒服無刑禮樂新合醕卑土宇歡宴接羣臣玉笋
飛千日瓊筵薦八珍舞衣雲曳影歌扇月開輪伐鼓魚
龍雜撞鐘角觥陳曲終酣興晚須有醉歸人

奉和春中興慶宮醕宴應制

千齡逢啟聖萬域共來威慶接郊禋後醕承農事稀御
樓橫廣路天樂下重闌鸞鳳調歌曲虹霓動舞衣合聲
雲上聚連步月中歸物覩恩無外神和道入微鎬京陪
樂飲柏殿奉文飛徒竭秋螢影何資春日暉

附

春晚宴兩相及禮官麗正學士

并序

明皇御製

朕以薄德祇膺厯數正天柱之將傾紐地維之已絕故
得承奉宗廟垂拱巖廊居海內之尊處域中之大然後
祖述堯典憲章禹蹟敦睦九族會同四海猶恐蒸黎未
乂徭戍未安禮樂之政虧師儒之道喪乃命使者衣繡
服行郡縣因人所利擇其可勞而勞所以使億兆也乃
命將士擢介胄冒矢石審山川之向背應歲月之孤虛
所以靜邊陲也乃命禮官考制度稽典則序文昭武穆

享天地神祇所以申嚴潔也乃命學者繕落簡緝遺編纂魯壁之文章綴秦坑之煨燼所以修文教也故能使流寓返粉榆之業戎狄稱藩屏之臣神祇歆其裡祀庠序闡其經術既家六合時巡兩京函秦則委輸斯遠鼎邑則朝宗所利封畿四塞從來測景之都城闕千門自昔交風之地陰陽代謝日月相推可使春色虛捐韶華坐歆乃置旨酒命英賢有文苑之高才有掖垣之良佐舉盃稱慶何樂如之同吟湛露之篇宜振凌雲之藻於

時歲次乙丑開元十三年三月二十七日

探得風字

乾道運無窮恒將人代工陰陽歷調象禮樂報玄穹介
胄清荒外衣冠佐域中言談延國輔詞賦引文雄野霽
伊川綠郊明鞏樹紅冕旒多暇景詩酒會春風

侍宴探得開字

聖政惟稽古賓門引上才坊因構書立殿為集賢開髦
彥星辰下仙章日月迴字如龍負出韻是鳳銜來庭柳

餘春駐宮鸚早夏催喜承芒閣宴幸捧柏梁杯

附

夏首花萼樓觀羣臣寧王山亭宴迴樓下申之

以賞樂賦詩

明皇御製

萬物莫不氣兆乎上而形視乎下鐵石異品雲蒸並濕
草木無心春來咸喜故聖人弘道先王法天酒星主獻
酬之義需卦陳飲食之象近命羣臣欣時樂宴盡九春
之麗景匝三旬之暇日暢飲桂山掉歌沁水醉以養德
味以平心本將道達陽和助成長育亦朝廷多慶軍國

餘聞者也前月之晦細風飄雨繁絃中止列席爭醉佳
辰易失絕興難追良可惋也今年帶閨節候全晚暑氣
猶清芳草未歇申布雅意復叙初筵披樂善之邸坐忘
憂之觀東郊跼步南山在目足以締夏首之新賞補春
飲之墜歡朕登覽上宮俯臨長陌暢衆心之怡虞懽歸
騎之逶迤鼓之以琴瑟宥之以筐篚衢樽意洽場藿思
苗賦我有嘉魚之詩奏君臣相悅之樂踟躕西日吟玩
南風不知衷情發於翰墨也

今年通閏月入夏展春輝樓上風花晚城隅宴賞歸九
歌揚政要六舞散朝衣天喜時相合人知事不違禮中
推意厚樂處感心微別賞陽臺樂前旬暮雨飛

奉和花萼樓下宴

萬心翹樂宴三舍緩昌時山接夏雲險臺留春日遲節
移芳未歇興隔賞仍追醉後傳嘉惠樓前舞聖慈皇恩
與時合天意若人期故發前旬雨新垂湛露詩

附

端午三殿宴羣臣并序

明皇御製

律中蕤賓獻疇之象著火在盛德文明之義燁故以式
宴陳詩上和下暢者也朕宵衣旰食緝聲教於萬方卜
戰行師總兵鈐於四海勤貪日給憂忘心勞聞蟬聲而
悟物變見槿花而驚候改所賴濟濟朝廷視成鷓鴣桓
桓邊塞貴辨熊羆喜麥秋之有登玩梅夏之無事時雨
近霽西郊霾靡而一色炎雲作峯南山嵯峨而異勢正
當召儒雅宴高明廣殿肅而清陰生列樹深而長風至
厨人嘗散熟之饌酒正行逃暑之飲庖捐惡鳥俎獻肥

龜新筍裹練香蘆角黍恭儉之儀有序慈惠之意溥洽
諷味堯老致息心於真妙抑揚游夏滌煩想於詩書超
然玄覽自足為樂何止柏枕桃門驗方術於經紀綵花
命縷觀問遺於風俗感婆娑於孝女憫枯槁之忠臣而
已哉歎節氣之循環美君臣之相樂凡百在會咸可賦
詩五言紀其日端七韻成其大數豈獨漢武之殿盛朝
士之連章魏文之臺壯辭人之並作云爾

五月符天數五音調夏鈞舊來傳五日無事不稱神穴

枕通靈氣長絲命續人五時花競巧九子穀爭新方殿
臨華節圓宮宴雅臣進對一言重遵文六義陳股肱良
足詠風化可還淳

端午三殿侍宴應制

探得
魚字

小暑夏絃應微陰商管初願齊長命縷來續大恩餘三
殿褰珠箔羣官上玉除助陽嘗麥蕤順節進龜魚甘露
垂天酒芝花捧御書合丹同蠓蛭灰骨共蟾蜍今日傷
蛇意銜珠遂闕如

附 千秋節宴

并序

明皇御製

令節肇開情兼愛慶率題八韻以示羣臣

蘭殿千秋節稱君萬壽觴風傳率土慶日表繼天祥玉
宇開花萼金懸動會昌衣冠白鷺下帟幕翠雲長獻遺
成新俗朝儀入舊章月銜花綬鏡露綴綵絲囊處處祠
田祖年年宴杖鄉深思一德事小獲萬人康

和千秋節應制

五德生王者千齡啟聖人赤光來照夜黃雲上覆晨海

縣銜恩久朝章獻壽新高居帝座出夾道衆官陳樂杖
洗清景磬管凝秋旻珠囊含瑞露金鏡抱仙輪何歲無
鄉飲何田不報神薰歌與名節傳代幸羣臣

附
千秋節賜羣臣鏡

明皇御製

鑄得千秋鏡光生百鍊金分將賜羣后遇象見清心臺
上永華澈窻中月影臨更銜長壽帶留意感人深

奉和賜王公千秋鏡應制

寶鏡頒神節凝規寫聖情千秋題作字長綬帶為名月

向天邊下花從日裏生不承懸象意誰辨照心明

張燕公集卷二

欽定四庫全書

張燕公集卷三

唐張說撰

雜詩

附

早登太行山中言志

明皇御製

清蹕渡河陽凝茹上太行火龍明鳥道鏤騎遶羊腸
白露霾陰壑丹霞助曉光澗泉含宿凍山草帶餘霜
野老茅為室樵人薜作裳宣風問耆艾敦俗勸耕桑
涼德慙

先哲微猷慕昔皇不因今展禮何必冒垂堂

奉和太行山中言志應制

六龍鳴玉鑾九折步雲端河脊南浮近山經北上難羽
儀映松雪戈甲帶春寒百谷晨笳動千崑曉仗攢皇心
感韶節敷藻念人安既立省方館復建禮神壇扈蹕參
天老承榮忝夏官長勤百年意思見一勝殘

附

爰因巡省途次舊居

明皇御製

朕昔在初九佐貳此州未遇扶搖之力空俟海沂之詠

泊大橫入北出處斯易一揮寶劍遽履瑤圖承歷數而
順謳謠着天衣而御區夏嗟乎向時沉默駕駟馬而朝
京師今日逍遙乘六龍而問風俗爰因巡省途次舊居
山川宛然人事無間忽其鼎革周遊館宇觸目依然雖
迹異漢皇而地如豐邑擊筑慷慨酌桂留連空想大風
題茲短什

三千初繫浪九萬欲搏空天地猶驚否陰陽始遇蒙存
身斯歷試佐貳佇昭融多謝時康理良慚寶劍功長懷

問昂氣夙負拔山雄不學劉琨舞先歌漢祖風英髦既
包括豪傑自牢籠人事一朝異謳謠四海同如何昔朱
郎今此作離宮雁沼澄瀾翠猿巖落沼紅小山餘桂馥
長坂舊蘭叢即是淹留處乘歡樂未窮

奉和爰因巡省途次舊居應制

葱鬱興王郡殷憂啟聖圖周成會西土漢武幸南都歲
卜鑒興邁農祠鴈政敷武威稜外域文教靡中區警蹕
干戈捧朝宗玉帛趨舊藩人事革新化國雄殊壁有真

龍畫庭餘鳴鳳梧
梧萊觴祝堯壽合
鼎獻湯厨陽樂寒
初變春恩蛰更蘇
三者頒命服五稔
復田輸君賦大風
起人歌湛露濡從
臣觀玉葉方願紀
靈符

附

過晉陽宮

明皇御製

緬想封唐處實惟
建國初俯察伊晉
野仰觀乃參墟井
邑龍躍斯城池鳳
翔餘林塘猶沛澤
臺榭宛舊居運革
祚中否時遷命茲
符顧循承丕構怵
惕多憂虞尚恐威
不逮復慮化未亨
豈徒勞轍跡所期
訓戎車習俗問黎

人親巡慰里閭永言念成功頌德臨康衢長懷經綸日
歎息履庭隅艱難安可忘欲去良踟躕

奉和聖製過晉陽宮應制

太原俗尚武高皇初奮庸星軒三晉躔樂土二堯封北
風遂舉鵬西河亦上龍至德起王業繼明賴人雍六葉
啟昌期再興廣聖蹤傳呼大駕來文物如雲從連營火
百里縱觀人千重翠華渡汾水白日臨翠峯粉榆恩賞
洽桑梓舊情恭往運感不追清時惜難逢詩發尊祖心

頌刊盛德容願君及春事迴與綏萬邦

附

早渡蒲關

明皇御製

鐘鼓嚴更曙山河野望通鳴鑾下蒲坂飛旆入秦中地
險關逾壯天平嶺尚雄春來津樹綠月落戍樓空馬色
分朝景雞聲逐曉風所希常道泰非復俟繻同

應制奉和

蒲阪橫臨晉華芝曉望秦關城雄地險橋路扼天津樓
映行宮日隄含宮樹春黃雲隨寶鼎紫氣逐真人東詠

唐虞跡西觀周漢塵山河非國寶明主愛忠臣

附初入秦川路逢寒食

明皇御製

洛川芳樹映天津霸岸垂楊窄地新直為經過行處樂
不知虛度兩京春去年有閨今年早曙色和風著花草
可憐寒食與清明光輝併在長安道自從關路入秦川
爭到何人不戲鞭公子途中方蹴踘佳人馬上發鞦韆
渭水長橋今欲渡恁恁漸見新豐樹遠看驪岫入雲霄
預想湯池起煙霧煙霧氛氲水殿開暫拂香泉歸去來今

歲清明行已晚明年寒食更相陪

應制奉和

上陽柳色喚春歸臨渭桃花拂水飛
總為朝廷巡幸去頻教京洛少光輝
昨從分陝山南口馳道依依漸花柳
入關正投寒食前還京遂落清明後
路上天心重豫遊御前恩賜特風流
便幕那能鏤雞子行宮善巧帖毛裘
渭橋南渡花如撲麥隴青青斷人目
漢家行樹直新豐秦地驪山抱溫谷
春池春溜水初平預歡浴日照京城

今歲隨宜過寒食明年陪宴作清明

附
途中經華嶽

明皇御製

飭駕去京邑鳴鑾指洛川脩途經太華迴蹕暫周旋
翠嶂留斜影懸崖冒夕烟四方皆石壁五位配金天
髣髴看高掌依稀聽子先終當銘歲月從此記靈仙

應制奉和

西嶽鎮皇京中峯入太清玉鑾重嶺應綈騎薄雲迎
霽日懸高掌寒空類削成軒遊會神處漢幸望仙情
舊廟

青林古新碑綠字生羣臣願封岱還駕勒鴻名

附

潼關口號

明皇御製

河曲迴千里關門限二京所嗟非恃德設險致天平

應制奉和

天德平無外關門東復西不將千里隔何用一丸泥

附

過王濬墓

明皇御製

吳國分牛斗晉室命龍驤受任敵已滅策勲名不彰居
美未盡善矜功徒自傷長戟今何在孤墳此路旁不覩

松柏茂空餘荆棘場歎嗟懸劍隴誰識夢刀祥

應制奉和

牛斗三分國龍驤一統年
智高寧受制風急肯迴船
有策擒吳詔無言讓范宣
援孤因勢屈功重為讒偏
舊跡灰塵散枯墳故老傳
百代逢明主何辭死道邊

附經河上公廟

明皇御製

昔聞有耆叟河上獨遺榮
迹與囂塵隔心將道德并
詎以天地累寧將寵辱驚
矯然翔寥廓如何屈堅貞
玄玄

妙門啟蕭蕭祠宇清冥冥無先後那能記姓名

應制奉和

河上無名老知非漢代人先探道德要留待聖明辰
玄妙為天下清虛用谷神化將和氣一用與太初隣
靈廟觀遺像仙歌入至真皇心齊萬物何處不同塵

附

遂次陝州

明皇御製

境出三秦外途分二陝中山川入虞虢風俗限西東
樹古棠陰在耕餘讓畔空鳴笳從此去行見洛陽宮

應制奉和

周邵嘗分陝詩書空復傳何如萬乘睠追賞二南篇郡
帶洪河側宮臨大道邊洛城將日近佳氣滿山川

附

行次成臯途經先聖擒建德之所緬懷功業感

而賦詩

明皇御製

有隋政昏虐羣雄已交爭先聖按劍起叱咤生風雲飲
馬河洛竭作氣嵩華驚克敵睿圖就擒俘帝道亨顧慙
嗣寶歷恭承天下平幸過剪鯨地咸慕神且英

應制奉和

夏氏階隋亂自言河朔雄王師進穀水兵氣臨山東前
掃成臯陣却下洛陽宮義合帝圖起威加天宇同軒臺
百年外虞典一巡中戰罷思王業倚馬賦神功

附經鄒魯祭孔子而歎之

明皇御製

夫子何為者栖栖一代中地猶鄒氏邑宅即魯王宮歎
鳳嗟身否傷麟怨道窮今朝兩楹奠當與夢時同

應制奉和

孔聖家鄒魯儒風藹典墳龍駭迴舊宅鳳德詠餘芬
入室神如在升堂樂似聞懸知一王法今日待明君

附
野次喜雪

明皇御製

拂曉闢行宮寒臯野望通繁雲低遠岫飛雪舞長空
賦象恒依物縈迴屢逐風為知勤恤意先此示年豐

應制奉和

寒更玉漏催曉色御前開泱泱雲陰積氤氲風雪迴
山如銀作苑宮見壁成臺欲驗豐年象飄飄仙藻來

溫湯對雪

北風吹同雲同雲飛白雪白雪乍迴散同雲何慘裂未
見溫泉水寧知火井滅表瑞良在茲庶希可怡悅

應制奉和

瑞雪帶寒風寒風入陰琯陰琯方凝閉寒風復淒斷宮
似瑤林布庭如月華滿正歎挾纈詞非近溫湯暖

附

惟此溫泉是稱愈疾豈予獨受其福思與兆人
共之乘暇巡遊乃言其志

桂殿與山連
蘭湯湧自然
陰崖含秀色
溫谷吐潺湲
續為蠲邪著
功因養正
宣願言將億
兆同此共昌
延

應制奉和

溫泉媚新豐
驪山橫半空
湯池薰水殿
翠木暖烟宮
起疾逾仙藥
無私合聖功
始知堯舜德
心與萬人同

附校獵逢大雪題八韻以示羣官
明皇御製

弧矢威天下
旌旗遊近縣
一面施烏羅
三驅教人戰
暮雲成積雪
曉色開行殿
皓然原隰同
不覺林野變
北風

勇士馬東日華組練觸地銀虜出連山縞鹿見月兔落
高繒星狼下飛箭既欣盈尺兆復憶磻溪便

奉和聖製義成校獵喜雪應制

文教資武功郊畋閱邦政不知仁育久徒看禽獸盛夜
霰氛埃滅朝日山川靜綽仗飛走繁攄絃筋角勁帝射
參神道龍馳合人性五祀連一發百中皆先命勇爵均
萬夫雄圖羅七聖星為吉符老雪作豐年慶喜聽行獵
詩威神入軍令

附
幸鳳泉湯

明皇御製

西狩觀風俗南山歷漢宮薦鮮知路近省殿覺年豐陰
谷含神爨湯泉養聖功益齡仙井合愈疾醴源通不重
鳴岐鳳誰矜陳寶雄願將無限澤霑沐衆心同

應制奉和

周狩因岐禮秦都辨雍名獻禽天子孝存老聖皇情溫
潤宜冬幸遊畋樂歲成湯雲出水殿暖氣入山營坎意
無私結乾心稱物平帝歌流樂府溪谷也增榮

扈從溫泉宮獻詩

溫泉啟蟄地氛氲渭浦歸鴻日數羣
騎仗聯聯環北極鳴笳步步引南薰
松間彩殿籠佳氣山上朱旗繞瑞雲
不知遠夢華胥國何如親奉帝堯君

宿直溫泉宮羽林獻詩

冬狩美秦正新豐樂漢行星陳玄武閣
月對羽林營寒木羅霜仗空山嚮夜更
思深靈液暖節效古松貞文武
皆王事輸心不為名

羽林恩召觀御書王太尉碑

隴首名公石來承聖札歸魚龍生意態鉤劍動鉉輝字
得神明保詞慙少女徽誰家羽林將文遂鳳書飛


玄武門侍射

并序

開元之初季冬其望天子始御北闕朝羽林軍禮脩事
厥後二日乃命紫微黃門九卿六事與熊羆之將爪牙
之臣合宴焉侑以純錦頒以珍器爾其射堋新成布侯
既設槃仗林立帷軒霧布衆官半醉皇情載悅卷珠箔

臨玉除唐弓在手夏箭斯發應弦命中屬羽連飛弧矢
以來未之有也若夫天地合道星辰獻儀端視和容內
正外直自近而制遠耀威而觀德思無不通神無不極
用是射也其惟聖人乎於時繁雲覆城大雪飛苑天人
同澤上下交懽退食懷恩賦詩頌義凡若干篇

射觀通玄闕兵欄闕御筵雕弧月半上畫的暈重圓羿
后神幽贊靈王法暗傳貫心精四反飲羽妙三聯雪鶴
來銜箭星麟下集弦一逢軍宴洽萬慶武功宣



張燕公集卷三

欽定四庫全書

集部

張燕公集卷

四至
六

詳校官侍郎臣謝墉

檢討臣何思鈞覆勘

總校官編修臣王燕緒

校對官主事臣陳墉

謄錄監生臣謝雲

欽定四庫全書

張燕公集卷四

唐 張說 撰

雜詩

扈從南出雀鼠谷

豫動三靈贊時巡四海威
破關凌曙出平路半春歸
霍鎮迎雲罕汾河送羽旂
山南柳半密谷北草全稀
遲日宜華蓋和風入夾衣
上林千里近應見百花飛

附
答張說南出雀鼠谷

明皇御製

雷出膺乾象風行順國人川途猶在晉車馬漸歸秦背
陝關山險橫汾鼓吹頻草依陽谷變花待北巖春聞有
鵷鷺客清詞雅調新求音思欲報心迹竟難陳

附
奉和聖製答張說南出雀鼠谷 宋 璟

秦地雄西夏并州近北胡禹行山啓路王在邑為都忽
視寒暄隔深思險易殊四時宗伯叙六義宰臣鋪徵作
宮常應星環日每紆盛哉逢合道良以致亨衢

附奉和聖製答張說南出雀鼠谷 蘇頌

雨施廵方罷雲從訓俗迴密途汾水衛清蹕晉郊陪寒
著山邊靜春當日下來御祠玄鳥應仙仗綠楊開作頌
音傳雅觀文色動台更知西向樂宸藻協鹽梅

附奉和聖製答張說南出雀鼠谷 王丘

襟帶三秦接旂常萬乘過陽源淑氣早陰谷沍寒多花
縵前茅仗霜嚴後殿戈戍雲開晉嶺江鴈入汾河北土
分堯俗南風動舜歌一聞天樂唱恭遂萬人和

附奉和聖製答張說南出雀鼠谷 袁暉

魏國山河險周王警蹕迴九旗雲際出萬騎谷中來石
岸行將盡煙郊望忽開賞矜垂柳發春畏落花催興逸
橫汾體恩褒作頌才小臣瞻日月延首詠康哉

附奉和聖製答張說南出雀鼠谷 崔翹

硤路繞河汾晴光掃曙氛笳吟中嶺樹仗入半峯雲頓
覺山原盡平看邑里分早行芳草末晚想好風薰嘉頌
推英宰春遊扈聖君共欣承睿渥日月照天文

附 奉和聖製答張說南出雀鼠谷 張九齡

設險諸侯地承平聖主巡東君朝二月南旆擁三辰寒
出重關盡年隨行漏新瑞雲聚捧日芳樹曲迎春舞詠
先馳道恩華及從臣汾川花鳥意併奉屬車塵

附 奉和聖製答張說南出雀鼠谷 王光庭

省俗恩時遍巡方路稍迴寒隨汾谷盡春逐晉郊來雲
騎傳行漏塵旄引從臺惠風初應律和氣正調梅雅頌
通晨禁天文接曙台霸城桃李色應待日華開

附 奉和聖製答張說南出雀鼠谷 席 豫

鳴鑾初幸代旋蓋欲橫汾山盡千旗直郊平五校分前
林已暄景後壑尚寒氛風送簫韶曲花鋪黼黻文鹽梅
推上宰禮樂統中軍獻賦紆天札飄飄飛白雲

附 奉和聖製答張說南出雀鼠谷 梁昇卿

何忽重關道千年遇聖皇幽林承惠澤閒客見清光日
御光途遠山靈獻壽長寒雲入晉薄春樹隔汾香國佐
同時雨天文屬歲陽從來漢家盛未若此巡方

附奉和聖製答張說南出雀鼠谷 趙冬曦

軒轅應順動方牧正趨陪道合殷為礪時行楚有材省
方西禮設振旅北方迴地理分中壤天文照上台寒依
汾谷去春入晉郊來竊比康衢者長歌仰大哉

附送張說巡邊

明皇御製

端拱復垂裳長懷御遠方股肱申教義戈劍靜要荒命
將綏邊服雄圖出廟堂三台入武帳八座起文昌寶胄
匡韓主華宗輔漢王茂先慙博物平子謝文章盡節恢

時佐翰誠禦寇場三軍臨朔野駟馬即戎行鼓吹威夷
狄旌旗溢洛陽雲臺先著美今日更貽方

附錢張尚書赴朔方奉勅撰序 賈 曾

王者大司馬制軍詰禁封國正朔惠綏蠻貊刑齊猾夏
其儀尚矣天子道穆三象功清六合截海畏威窮荒揆
教將以靜流服度藩畿削平凌暴昭蘇寡弱乃命元宰
兵部尚書燕公專節朔方授律羣師涉河之外距關之
西公皆統之重分閭也公智以闡物精以造微文為一

變之英武有萬人之敵歷登庶尹王猷載寧三宅台衡
帝采惟亮雖坐堂足以制勝而勤國忘其定居閭茂次
年仲臯貞閨拜手東洛馳詔北闕備官而行成旅以從
是日也景風斯至星火殷霄伯趙鳴而戒陰爽鳩習而
揚武禮可以升高遠望詩可以出宿餞行有詔具寮爰
開祖宴且申後命寵以繁錫天章賦別御札題牋副衣
勉挾纊之誠兼壺喻投醪之旨筐篚以將其貺筆硯以
表其文前載忝書今策斯覩侍中安陽公以仁體國中

書令河東公以德熙朝變贊功成訐謀景暇恭采薇之
恩典悵伐木之朋思詢彼甸師卜茲郊候鼎門右轉岐
路旁分當闕塞之斷山接華林之高樹幕人宿設重帟
雲平太官饗舉百羞霞錯四夏六肖之變朱羽皇羽之
容雷殷川原電烜林薄朝傾多士巷無居人接蓋陰衢
揚袂風野羽觴遽進列坐酣而不譁清鏡間發將士激
而逾厲視日知其吉氣吹律驗其商聲則已景列穹都
風騰漠野西域輕郵支之使東胡息冒頓之虞顧夫南

仲子征吉甫薄伐不具遠也若木還照前茅啟行聽聞
闌之去鼓目悠悠之轉旆歌事者每懷靡及念離者跂
予望之誠志在心發言同唱天子有命式叙清風請編出
車之什以繼承人之雅

將赴朔方軍應制

禮樂逢明主韜鈴用老臣恭憑神武策遠御鬼方人供
帳榮恩餞山川喜詔巡天文日月麗朝賦管絃新幼志
傳三略衰材謝六鈞膽由忠作伴心故道為隣漢保河

南地胡清塞北塵連年大軍後不日小康宸劍舞輕離
別歌酣忘苦辛從來思博望許國不謀身

附奉和聖製送張尚書巡邊

源乾曜

匈奴邇河朔漢地復戎旅君子擇英才朝端出監撫流
星下閭闔寶鉞專公輔禮物生光輝宸意備恩詔有征
示矛戟制勝惟罇俎彼美何壯哉桓桓擅斯舉聲華振
臺閣功德標文武奉國知命輕忘家以身許安人在勤
恤保大殫襟腑此外無異言同情報明主

附奉和聖製送張尚書巡邊

張嘉貞

天錫我宗盟元戎付夏卿多才思將相必勇獨橫行經
緯稱人傑文章作代英山川看是陣草木想為兵不待
河水合猶防漢月明有謀當繫醜無戰且綏氓聞外專
三略雲中冀一平感恩共心盡悵別屢魂驚直視前旌
掣遙聞後騎鳴還期方定日復此出郊迎

附奉和聖製送張尚書巡邊

宋璟

帝道薄存兵王師尚有征是開司馬法爰命總戎行畫

閩崇威信分麾盛寵榮聚觀方結轍出祖遂傾城聖酒
山河潤天詞象緯明德風邊地偃勝氣朔雲平宰國推
良器為軍挹壯聲至和常得體不戰即亡精以智泉寧
竭其徐海自清遲還廟堂坐贈別故人情

附奉和聖製送張尚書巡邊

盧從愿

上將發文昌中軍靜朔方占星引旌節擇日拜壇場禮
樂臨軒送威聲出塞揚安邊俟帳幄制勝在巖廊作鼓
將軍氣投醪將士觴戒途遵六月離贈動三光槐路清

棋暑衡臯赴麥涼時文仰雄伯耀武震遐荒
衽席知無戰兵戎示不忘佇聞歌杖杜凱入繫名王

附奉和聖製送張尚書巡邊

許景光

文武承邦式風雲感國禎王師親賦政廟略久論兵
漢主知三傑周官統六卿四方分閭受千里坐謀成
介冑辭前殿壺觴宿在營賞延頒賜重宸贈出車
榮龍武三軍氣魚鈐五校名郊雲駐旌羽邊吹引
金鈺振旅方稱德安人更克貞佇觀銘石罷同聽
凱歌聲

附奉和聖製送張尚書巡邊

韓休

一德光台象三軍掌夏卿來威申廟畧出總協師貞受
鉞辭金殿凭軒去鼎城曉光搖組甲晚吹繞雲旌左律
方先凱中輦即訓兵定功彰武事陳頌紀天聲祖宴初
留賞宸章更寵行車徒零雨送林野夕陰生路極河流
遠川長朔氣平南轅遲返旆歸奏謁承明

附奉和聖製送張尚書巡邊

徐知仁

聖德膺三統皇威被八埏大明均照物小醜未寧邊國

相台衡重元戎廟畧宣紫泥方受命黃石乃推賢問罪
陰山下安人屬國前度關行照月乘帳坐銷煙北關紆
宸藻南橋列祖筵耀威當夏日殺氣指秋天鼙鼓鼉鼉
振旌旗鳥獸懸由來詞翰首今見勒燕然

附
奉和聖製送張尚書巡邊

崔禹錫

供帳何煌煌公其撫朔方羣寮銜餞酌明主降離章關
塞重門下郊圻禁苑旁練兵宜雨洗卧鼓候風涼炎景
寧云憚神謀肅所將旌搖天月迴騎入塞雲長赫赫皇

威震油油聖澤滂非惟按車甲兼以正封疆叱咤陰山
道澄清潮海陽虜垣行決勝台座佇為光

附
奉和聖製送張尚書巡邊

王翰

紫盤尚書印朱戟丞相車登朝身許國出閫將辭家不
憚炎蒸苦親嘗走集賒選徒軍有令誓卒爾無譁帝樂
風初起王城日半斜寵行流聖作寅餞照台華騎歷河
南樹旌搖天北沙榮懷應盡服嚴殺已先加業峻靈祇
保功成道路嗟寧知鑿空使遠致石榴花

附 奉和聖製送張尚書巡邊

蘇 晉

方漢比周年興王令在宣
亟聞降虜拜復覩出師篇
圻父萬邦式英猷三略傳
算車申夏政發舍啟戎田
嚴問盟胡苑軍容濟洛川
皇情悵闕旆詔餞列郊筵
路接禁園草地分御井蓮
離聲軫去角居念斷歸蟬
三捷豈云永七擒良信然
具寮有誠寄望凱秋風前

附 奉和聖製送張尚書巡邊

王光庭

賢相德符充朝推文武雄
海波先若鏡關草預從風
鉞

助將軍勇威成天子功瓊章九霄發錫宴五衛通玉輶
龍盤帶金裝鳳頸驄虎貌紛儼儼河洛震熊羆戈劍干
霜白旌旗萬火紅示刑夷夏變流惠鬼神同寇息軍容
偃塵銷朔野空用師敷禮樂非是為獫狁

附
奉和聖製送張尚書巡邊

袁暉

出師宣九命分閫用三台始應幕中畫言從天下來丹
青不獨任韜略遂雙該坐見威稜洽彌章事業恢旌旗
曉霜送輦鼓朔風催虜氣銷殘月邊聲送落梅羽書雄

北地龍漢寢南垓寵戰黃金盡輸誠白日迴離章宸翰
發祖宴國門開欲識恩華盛平生文武材

附
奉和聖製送張尚書巡邊
席豫

聖帝重兵權分麾屬大賢中軍仍執政丞相復巡邊
翕習戎裝動張皇廟略宣朝榮承睿札野餞轉行旃
亭障東緣海沙場北際天春冬見嚴雪朝夕候烽烟
已勒燕山頌猶開遣戍篇五營將月合八陣與雲連
經略圖方遠懷柔道更全歸來畫麟閣藹藹武功傳

附 奉和聖製送張尚書巡邊

張九齡

宗臣事有征廟算在休兵
天與三台座人當萬里城
朔南方偃革河右誓揚旌
寵錫從仙禁光華出漢京
山川勤遠畧原隰軫皇情
為動薰琴唱仍題寶劍銘
威風六郡勇計日五戎平
山甫歸應疾留侯功復成
歌鐘旋可望枕席豈難行
四牡何時入吾君憶履聲

附 奉和聖製送張尚書巡邊

徐堅

至德撫遐荒神兵赴朔方
帝思元帥重爰擇股肱
良累

相承開地深籌協子房寄崇專斧鉞禮備設壇場輦鼓
宣雷電戈殳凜雪霜四騏將戒道十乘啟先行聖錫加
恒數天文曜寵光出郊開帳飲寅餞盛離章雨濯梅林
潤風秋麥野涼燕山應勒頌麟閣佇名揚

附奉和聖製送張尚書巡邊

崔日用

軒相推風后周官重夏卿廟謀能允迪韜略又縱橫吉
日四黃馬宣王六月兵擬清鷄鹿塞先指朔方城列將
懷威撫匈奴畏盛名去當推轂送來佇出郊迎絕漠蓬

將斷華筵，正榮壯心看舞劍。別緒應懸旌，睿錫承優
旨。乾文復寵行，暫勞期永逸。赫矣振天聲。

附
奉和聖製送張尚書巡邊

賀知章

荒憬盡懷忠，梯航已自通。九攻雖不戰，五月尚持戎。
遣戍徵周牒，恢邊重漢功。撰車命元宰，授律取文雄。
胄出天弧上，謀成帝幄中。詔旂分夏物，專錫謝唐弓。
帳宿伊生右，鉦吹晉苑東。饗人藉蕡實，樂正理絲桐。
岐陌涵餘雨，離川照曉虹。恭聞詠方叔，千載舞皇風。

附
送張說集賢上學士

明皇御製

廣學開書殿崇儒引席珍
集賢招袞職論道命台臣
禮樂沿今古文章革舊新
獻酬樽俎列賓主位班陳
節變雲初夏時移氣尚春
所希光史策千載仰茲晨

附
集賢殿書院奉勅送學士張說上賜讌序

張九齡

集賢殿者本集仙殿也上不以惟睿作聖而猶垂意好
學用相必本於經術圖王亦始於師臣及乎鴻生碩儒

博聞多識之士自開元肇建以迄於今大用徵集煥乎
廣內而聽政餘暇式譙在茲忠臣嘉賓得盡心之所聰
明文思有光被之德故下以道親上亦懽甚即於御座
爰發德音以為候彼神人事雖千載傳於方士言固不
經遂改仙為賢去華務實且有後命增其學術是以集
賢之庭更為論思之室矣中書令燕國公外弼庶績以
奉沃心之謀內講六經以成潤色之業故得出入華殿
師長翰林惟帝用臧固天所賴拜命之日荷寵有加降

聖酒之壘下御厨之膳食以樂侑人思德飽時則有侍
中安陽公等承恩預焉學士右散騎常侍東海公等攝
職在焉或禹稷大賢泉雲諸彥文王多士周室以寧武
帝得人漢家為盛而高視前古獨不在於今乎咸可賦
詩以光鴻烈

賦得輝字

侍帝金華講千齡道固稀任將賢士設書共學徒歸首
命深燕隗通經淺漢韋列筵榮賜食送客愧儒衣賀燕

窺簷下遷鶯入殿飛欲知朝野慶文教日光輝

附
賦得迎字

源乾曜

盛業光書府徵人盡國英絲綸賢相稱羣俊學為名寵
命垂天錫崇恩發睿情薰風清禁籞文殿述皇明日霽
庭陰出池新水氣清歡娛此無限詩酒自相迎

附
賦得昇字

裴崔

問道圖書盛尊儒禮教興石渠因學廣金殿為賢昇日
月恩光照泉雲寵命膺謨猷言可範舟楫事斯憑宴喜

明朝洽光輝湛露疑大哉堯作主天下頌歌稱

附
賦得茲字

蘇
題

肅肅金殿裏招賢固在茲鏘鏘石渠內庠序亦同時宴
錫歡談道文成貴說詩用儒今作相敦學舊為師下濟
天光近中孚帝渥滋國朝良史載能事日論思

附
賦得西字

韋
杭

廣殿臨壁沼多士侍金闥英宰文儒協明君日月齊集
賢光首拜改殿發新題早夏初移律餘花向拂溪壺觴

接雲上經術引關西聖德鴻名遠將陪玉檢泥

附賦得迴字

程行謨

聖主崇文化鏘鏘得盛才相因歸夢立殿以集賢開象
繫微言闡詩書至道該堯搏承帝澤禹膳自天來禮洽
歡逾長風恬暑更迴國朝將舜頌同是一康哉

附賦得催字

李 昂

偃武堯風接宗文漢道恢集賢更內殿清選自中台佐
命留侯業詞華博物才天厨千品降夏日百壺催鴈鷺

方成列神仙喜暫陪復欣同拜首叨此頌良哉

附
賦得登字

蕭 嵩

帝曰簡才能旌賢在股肱文章體一變禮樂道逾弘芸
閣英華入賓門鵷鷺登恩延過所望聖澤實超恒夏葉
開紅蕊餘花發紫藤微臣亦何幸叨此預文明

附
賦得私字

李元紘

碩儒延鳳詔金馬被鴻私饌玉還丹禁牋花降紫墀銜
恩傾旨酒鼓舞詠康時暫構羣書緝逾昭盛業丕接筵

欣有命擗管愧無詞自驚一何幸太陽還及葵

附賦得謨字

賀知章

西學垂玄覽東堂發聖謨天光燭武殿時宰集鴻都枯
朽霑皇澤翬飛舞帝梧跡同游汗漫榮是拔泥塗三歎
承湯鼎千歡接舜壺微軀可不答空欲詠休蒲

附賦得今字

陸堅

聖主崇文教層霄降德音尊賢澤既厚式宴寵逾深復
有夔龍相良哉簡帝心得人惟邁昔多士諒推今書殿

榮光滿儒門喜氣臨顧惟成濫吹徒此接衣簪

附
賦得賓字

劉昇

圖書應明主策府宴嘉賓
合耀臨東壁乾光自北辰
網羅窮象繫述作究天人聖
酒千鍾洽仙厨百味陳成山
徒可仰涉海詎知津幸逢文
教盛還覩頌聲新

附
賦得筵字

王翰

東堂起集賢得見衆神仙
首命台階老將崇御府員送
人鏘玉佩中使拂瓊筵和樂薰風解湛恩時雨連長材

成磊落短翮強翮翮徒仰蓬萊地何階不讓緣

附賦得蓮字

趙冬曦

淺術方觀海恩深忽見天學開丹殿籍名與石渠賢良
輔膺休命徵生謬採甄春餘仍哢鳥夏近未舒蓮牋札
來宸禁衣冠集詔筵史臣知醉德欲記升中年

附賦得華字

韋述

脩文中禁啓改字令名加台座徵人傑書坊應國華賦
詩開廣宴賜酒酌流霞雲散明金闕池開照玉沙掖垣

留宿鳥溫樹落餘花謬此天光及銜恩醉日斜

附

左丞相說右丞相璟太子少傅乾曜同日上官

命宴東堂賜詩

明皇御製

赤帝收三傑黃軒舉二臣由來丞相重分掌國之鈞我
有握中璧雙飛席上珍子房推要道仲子訝風神復綴
台衡老將為調護人鵷鸞同拜日車騎擁行塵樂聚南
宮宴觴連北斗醇俾予成百揆垂拱問彝倫

附
丞相少傅拜職天子作三傑之詩以命宴序

蘇 晉

惟聖寶賢以齊皇極有若左丞相燕國公右丞相廣平
公太子少傅安陽侯皆正人碩德皇國元老道著廊廟
績宣華戎由是懋其成功錫以元吉咨日於朔擇時於
秋俾對命王庭受職公府見羣屬揖庶寮禮官辨章掌
舍陳次工備侑饗獻烝大卿拜下以成儀三事自天而
來賀秩秩賓序暉暉旅酬玉緯垂文南風和雅頌之變
金漿降醴雲天光飫酌之宜宰德貴和盡莊敬具瞻之

範羣才尚洽預周旋宴語之歡方將一心天工勑力帝
載寢黑山之析包青海之戈雲雨賢才水火菽粟日詠
魚藻歲陳由庚頤殷趙之年留魯陽之景爰命在宴乃
賡載歌

奉和御製

大塊鎔羣品經生偶聖時猥承三事命虛忝百僚師右
揆謀華碩前星傳重資連騫求舊禮濫點樂賢詩賜釜
同榮拜擬金宴宰司菊花吹御酒蘭葉捧天詞寶厯休

明盛顏年畧漏衰少留青史筆未敢赤松期

附同前

宋璟

丞相邦之重非賢諒不居老臣庸且憊何德以當諸厚
秩先為忝崇班復此除太常陳禮樂中掖降簪裾聖酒
山河潤仙文象緯舒冒恩懷寵祿陳力省空虛郭隗慚
無駿馮諼愧有魚不知周勃者榮幸定何如

附同前

源乾曜

睿作超於古湛恩育萬人邈邈俱荷澤同拜忽為隣道

合音徽暢芳馳景命新鼓鐘崇享禮鵷鷺集朝倫竊位
思官謗彫容謝木春慙多無以叙拙備實難陳進級懷
三少承光盡百身自當歸第日何幸列宮臣

附
同前

蕭 嵩

審官思共理多士屬惟唐歷選台庭舊來熙帝業昌入
朝師百辟論道協三光垂拱資元老親賢輔少陽登榮
崇禮送寵德耀宸章御酒飛觴洽仙闈雅樂張荷恩思
有報陳力愧無良願聲忠公節同心奉我皇

附同前

裴光庭

樂賢聞往誥褒德偶茲辰端揆升元老師謀擇累仁紫
庭崇讓畢粉署禮容陳既荷恩榮舊俱承寵命新天文
懸瑞色聖酒汎華茵雜遝陳簫鼓歡娛洽縉紳掖垣招
近侍虛薄廁清塵共保堅貞節常期雨露均

附同前

宇文融

申甫生周日宣慈舉舜年何如偶昌運比德邁前賢寵
護元良密榮瞻端揆遷職優三仕老立極百僚先北極

迴宸渥南宮飭宴筵飛文瑤札降賜酒玉杯傳謬列台
衡重俱承雨露偏誓將同竭力相與效塵涓

奉蕭令嵩酒并詩

樂奏天恩滿盃來秋興高更蒙蕭相國對席飲醇醪

奉宇文黃門酒

聖德垂甘露天章下大風又乘黃閣賞願作黑頭公

奉裴中書酒

西掖恩華降南宮命席闌詎知鷄樹後更接鳳池歡

附同二相以下羣官宴樂遊園 明皇御製

撰日巖廊暇需雲宴樂初萬方朝玉帛千品會簪裾地
入南山近城分北斗餘林塘垂柳密原隰野花疎帝幕
看逾暗歌鐘聽自虛興闌歸騎轉還奏弼違書

恩賜樂遊園宴

漢苑佳遊地軒庭近侍臣共持榮幸日來賞艷陽春饌
玉頌王篚攬金下帝鈞池臺草色偏宮觀柳條新花綬
光連榻朱顏暢飲醇聖朝多樂事天意每隨人

附同前

宋璟

侍飲終酺食承恩續勝遊戴天惟慶幸選地即殊尤北
向祇雙闕南臨賞一丘曲江新溜煖上苑雜花稠疊疊
韶絃屢戛戛貢帛周醉歸填畛陌榮耀接軒裘

附同前

崔沔

五日酺初畢千年樂未央復承天所賜終宴國之陽地
勝春逾好恩深樂更張落花飛廣座垂柳拂行觴庶尹
陪三吏諸侯具萬方酒酣同抃躍歌舞詠時康

附同前

張九齡

實篁延后命供帳序羣公形勝宜春接儀文建禮同晞
陽人以露解愠物從風朝慶千齡始年華二月中輝光
遍草木和氣發絲桐歲歲為無事徒知樂九功

附同前

胡皓

五酺終宴集三錫又歡娛仙阜崇高異神州眺覽殊南
山臨皓雪北闕對明珠宰座鴈鴻滿昌庭駟馬趨綺羅
含草樹絲竹吐郊衢銜杯不能罷歌舞恣唐虞

附同前

王翰

未極人心暢何如帝道明
仍嫌酺宴促復寵樂遊行陸
海披珍藏天河闔斗城四關清
藹合數處白雲生飪餽
調元氣歌鐘溢雅聲空慙堯舜力
至德睿難名

附同前

崔尚

春日照長安皇恩寵庶官
合錢承罷飲宴帛賜追歡供
帳憑高列城池入迴寬
花催相國飲鳥和樂人彈北闕
雲中見南山樹杪看樂遊
宜締賞舞詠惜將闌

附同前

趙冬曦

爽塏三秦地芳華二月初
酺承奠璧罷宴是合錢餘柳
翠垂堪結桃紅卷欲舒
從容會鵷鷺延曼戲龍魚
喜氣通空物歡聲來里閭
聖恩將厚意請述記言書

張燕公集卷四

欽定四庫全書

張燕公集卷五

唐 張說 撰

雜詩

東都醑宴詩五首

并序

先天元祀孟冬十月東都留守韋公黃奉聖朝述宣嘉
旨乃合洛京之五省招河尹之二縣將吏咸集佩章有
序銚銚濟濟侃侃閭閻供帳於興教之門式醑宴也原

夫樂生於心非因結風之奏和達於氣無待陽春之節
蓋澤之所及也深則情之所感者遠國家天地一統君
臣百年朝榮舊德之序野賴先疇之業玄化漸漬洪恩
既久太上功德不宰夏后命子之初皇帝孝理無為漢祖
事親之日生堯舜於天屬見文武於同時前古未逢斯
人何幸是日六樂振作萬舞苒弱鳥獸徘徊士女踊躍
則知衆庶觀聽之所樂也旨酒絡驛大庖燔炙芳溢風
煙醉流阡陌又知衣冠之所適也由近而視遠萬國之

慶皆然自明而察幽三靈之欣可接若夫吟詠德澤播
越人聲斯固雅頌之餘波政教之遺美凡我詞客安敢
闕如賦詩展事垂列於後

其一

堯舜傳天下同心致太平吾君內舉聖遠合至公情錫
命承丕業崇親享大名二天資廣運兩曜益齊明道暢
昆蟲樂恩深朽蠹榮皇輿久西幸留鎮在東京合宴千
官入分曹百戲呈樂來嫌景遽酒着訝寒輕喜氣連雲

閣歡呼動洛城人間知幾代今日見河清

其二

重華昇寶歷軒帝眇閒居政成天子孝俗返上皇初忘
味因觀樂歡心寄合醑自憐疲馬意戀戀主恩餘

其三

朱城塵囂滅翠幕景情開震震靈鼉起翔翔舞鳳來彫
盤裝草樹綺乘結樓臺共喜光華日酣歌捧玉盃

其四

曉月調金鼓朝暎對玉盤爭馳羣鳥散鬪伎百花團遇
聖人知幸承恩物自歡洛橋將舉燭醉舞拂歸鞍

其五

愜宴惟今席餘歡殊未窮入雲歌嫋嫋向日妓叢叢駛
管催酣興留關待曲終長安若為樂應與萬方同

晦日詔宴永穆公主亭子

賦得流字

堂邑山林美朝恩晦日遊園亭含淑氣竹樹繞春流舞
席千花騎歌船五綵樓羣歡與王澤歲歲滿皇州

三月三日詔宴定昆池官莊

賦得筵字

鳳皇樓下帶天泉
鸚鵡洲中雜管絃
舊識平陽佳麗地
今逢上巳盛明年
舟將水動千尋日
幕共林橫兩岸煙
不降玉人觀楔飲
誰憐醉舞拂賓筵

舟中和蕭令潭字

暮春三月日重三
春水桃花滿楔潭
廣樂逶迤天上下
仙舟搖衍鏡中酣

清明日詔宴寧王山池

賦得飛字

今日清明宴佳境惜芳菲搖揚花雜下嬌嚶鶯亂飛
渚傳歌榜虹橋度舞旂和風偏應律細雨不霑衣承恩
如改火春去春來歸

三月二十日詔宴樂遊園

賦得風字

樂遊形勝地表裏望郊宮北闕連天頂南山對掌中
皇恩貸芳月旬宴美成功魚戲芙蓉水鶯啼楊柳風
春光看欲暮天澤戀無窮長袖招斜日留花待曲終

四月十三日詔宴寧王亭子

得好字

何許承恩宴山亭風日好綠嫩鳴鶴洲陰穠鬪雞道果
思夏來茂花嫌春去早行樂無限時皇情及芳草

藥園宴武輅沙將軍

得洛字

東第乘餘興南園宴清洛文學引鄒枚歌鍾陳衛霍風
高大夫樹露下將軍藥待聞出塞還丹青上麟閣

鳳樓尋勝地

西掖持醇酒東山就白雲開軒綠池映命席紫蘭芬舞
度花為伴鴛來管作羣太平多樂事春物共氛氲

皇帝降誕日集賢殿賜宴

仲秋金帝起五日土行昭瑞表壬寅露光傳甲子宵陰
風吹大澤夢日照昌朝不獨華封老千年喜祝堯

恩制賜食於麗正殿書院

得林字

東壁圖書府西園翰墨林誦詩聞國政講易見天心位
竊和羹重恩叨醉酒深緩歌春興曲情竭為知音

洛橋北亭詔餞諸刺史

離亭拂御溝曲岸舞船樓詔餞朝廷牧符分海縣憂股

肱還入郡父母更臨州扇逐仁風轉車隨零雨流恩光
水上溢榮色柳間浮預待羣方最三公不遠求

修書院學士奉勅宴梁王宅

賦得樹字

虎殿成鴻業猿巖題鳳賦既荷大君恩還蒙小山遇秋
吹凝絃管涼雲生竹樹共惜朱邱歡無辭洛城暮

夕宴房主簿舍

并序

旅聽清管崇扃宴鑰巖雲暗山微月白夜悄羣動之俱
息感孤鴻之遠音有美房公霞海其量友我以絲竹好

我以罇俎紆蘊結之雅懷豁悠曠之陳意滿堂既醉同
賦是詩

歲晏關雍空風急河渭水薄遊羈物役微尚愜遠憑旅
館月宿永閉扃雲思興伊人美脩夜朋酒惠來稱交談
既清雅琴吹亦淒凝不逢君蹇澗幽意長鬱蒸

岳州宴姚紹之

并序

姚司馬往在柏臺每欽骨鯁及茲荒服偶得官聯復有
令弟美屑芬芳襲予山寺外廬幽深形勝童冠是集歡

言賦詩

杞梓滯江濱光華向日新
難兄金作友媚子玉為人
山水含秋興池亭借善鄰
簷松風送靜院竹鳥來馴
翠管吹黃菊瑤盤鱠紫鱗
緩歌將醉舞為拂繡衣塵

幽州夜飲

涼風吹夜雨蕭瑟動寒林
正有高堂宴能忘遲暮心
軍中宜劍舞塞上重笳音
不作邊城將誰知恩遇深

溫泉馮劉二監客舍觀妓

溫谷寒林薄羣遊樂事多佳人蹀駿馬來月夜相過秀
色燃紅黛嬌春發綺羅鏡前鸞對舞琴裏鳳傳歌妬寵
傾新意銜恩奈老何為君留上客歡笑斂雙蛾

行從方秀川與劉評事文同宿

方秀美盤遊頻年降天罕水共伊川接山將闕門斷捧
日照恩華攀雲引疲散野宿霜入帳孤衾寒不暖靜聞
宮漏疎卧視庭月滿開鑪命溫酎中夜發清管風送關
山長氣道星歲短寓言情思愜適興真意坦窠中病羈

掛方外嫌縱誕願君樂盛時無嗟帶纓緩

崔禮部園亭

窈窕留清館虛徐步晚陰水連伊闕近樹接夏陽深柳
蔓憐垂拂藤苗愛上尋訝君軒蓋侶非復俗人心

城南亭作

珂馬朝歸連萬石稍門洞啟親迎客北堂珍重琥珀酒
庭前列肆茱萸席長袖遲迴意緒多清商婉轉目騰波
舊傳比翼侯家舞新出將雛主第歌漢家絳灌餘兵氣

晉代浮虛安足貴正逢天下金鏡清偏如日飲醇醪意
誰復遨遊不復歸閒庭莫畏不芳菲會待城南春色至
競將花柳拂羅衣

對酒行已陵作

留侯封萬戶園令壽千金本為成王業初由賦上林繁
榮安足恃霜露遞相尋鳥哭楚山外猿啼湘水陰夢中
城闕近天畔海雲深空對忘憂酒離憂不去心

清夜酌

秋陰士多感雨息夜無塵清樽宜明月復有平生人

醉中作

醉後樂無極彌勝未醉時動容皆是舞出語總成詩

張燕公集卷五